

us gratiam filiationis baptizato offert & illa per fidem à baptizato acceptatur atq; adeò animus ejus & conscientia in eâdem intimè acquiescit. I. Petr. III. 21.

XI. Quo accepto beneficio ad voluntatem suam voluntati DEI conformandam baptizatus ultrò obligatur, quam ad rem & vires simul confert Baptismus. Tit. III. 5.

XII. Non possunt Reformati salutis suæ esse certi; quousque organicam baptismi virtutem inficiantur, quod vel nupera docet inter Jurium & Saurium concertatio.

*Disp. XXXIIX.*

De

## SS. Eucharistiâ.

I.

**I**llud Tertulliani: *ubi Ecclesiastici ordinis non est confessus, & offert & tingit sacerdos, qui est ibi, solus. Sed & ubi tres, Ecclesia est, licet laici;* rectè à Nicol. Rigaltio contra Gabr. Albaspinæum & ab. H. Grotio contra D. Petavium de libertate laico, in eâ orbis parte, ubi ministri Ecclesiæ ordinati non sunt, nec haberi possunt, concessâ, utrumque Sacramentum administrandi, exauditur.

II. Et aptissima redditur ratio: quia, ubi vel tres sunt, Ecclesia est. Ecclesia autem ex jure sibi à Christo concessa, Matth. XVI. 19. quemcunque velit, & quocunque momento velit, constituere sacerdotem potest.

III. Fanaticum autem est, asserere, quod in statu Ecclesiæ ordinario fidelibus quibusvis inter se liceat administrare Eucharistiam & quod hæc functio nullibi in Scripturâ ad ministerium sit alligata. I. Cor. IV. 1. II. Cor. V. 20.

IV. Cum nullum in Eucharistiæ institutæ historiâ indicium compareat, quod Christus suimetipsum in cœnâ hospes fuerit, frustra id asseritur.

V. Quo tamen non obstante Minister Ecclesiæ, (dummodo absit ordinis in quocunque loco usitati contemptus) sibi ipsi vel porrigere vel sumere sacra symbola æquè potest, ac omnes possent alii, si in mensâ, propriis sumenda